

Guangjisi Minzcu Bau

ganbbau: CN45-0036 B.2014 Nd.10 Ng.22 liggaueq gyapngux nienz ndwengouj ngeibgouj

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3145期

Aen Hoih Codanzvei Geiqniemh《Minzcu Gihiyz Swcifaz》 Fatbouh Saedhengz 30 Hopbi Youq Baekging Hai

纪念民族区域自治法颁布实施 30 周年座谈会在京举行

10 nyied 17 hauh banhaet, aen hoih codanzvei geiqniemh《Cunghvaz Yinzminz Gunghozgoz Minzcu Gihiyz Swcifaz》fatbouh saedhengz 30 hopbi youq Yinzminz Daveidanzgawjhengz. Cunghgung Cunghyangh Cwngcigiz cangzveij, Daengx Guek Yinzda Cangzveijvei veijyenzcangj Cangh Dwzgyangh camgya.

Youq gwnz hoih, Cunghgung Cunghyangh Cwngcigiz veijyenz, Daengx Guek Yinzda Cangzveijvei fuveijyenzcangj Lij Gengoz gangjavah. De naeuz, hai baez hoih neix, geiqniemh《Minzcu Gihiyz Swcifaz》saedhengz 30 hopbi, couhdwg aeu nyinhcaen hagsib nem gvancez gij

cingsaenz gvendaengz vah Siz Ginbingz cungsuhi youq cunghyangh minzcu gunghcoz veiyi gangjde, dauqyawj minzcu gihiyz swci cidu laebbaenz nem fazcanj gingvau, cunggez《Minzcu Gihiyz Swcifaz》saedhengz gingniemh, cienzmienh gvancez minzcu cwngcwz dangj raeuz, genhciz nem caezcienz minzcu gihiyz swci cidu, comz gij rengz gak minzcu doxgiet, haenqrenz saedyienh siengjmuengh Cungguek.

Cunghyangh Dungcanbu, Cenz Goz Yinzda Minzcu Veijyenzvei, Guekgia Fazcanj Gaijgwzveij, Guekgia Minzveij, Swhfazbu, Daengx

Guek Cwnghez Minzcu Nem Cunghgyau Veijyenzvei caeuq Sinhgyangh Veizvuzwj Swcigih, Sihcang Swcigih Yinzda Cangzveijvei, doenghboux fucwz gij bumwnz neix faenbied gangjavah. Miz mbangj dungzei geq gaenq dang gvaq Daengx Guek Yinzda Cangzveijvei, Daengx Guek Cwnghez lingjdauj, doenghboux fucwz cunghyangh nem guekgia gihgvanh mizgven bumwnz, 5 aen swcigih nem mizgven swngj si yinzda cangzveijvei, doenghboux daiyauj sausu minzcu daengj 120 lai vunz camgya baez codanzvei neix.

(Cuih Cinghsinh/崔清新)

SIUSIK DINJ

简讯

● 10 nyied 17 daengz 21 hauh, daihhaj gaiq daengx guek cingh saunenz minzcu yozgi byaujyenj doxdax youq Gvangsiah Yisuz Yozyen gawjhengz, gak cuj doxdax ndawde cungj bingz ok gimciengj boux ndeu, ngaenzciengj 2 boux, dungzciengj 3 boux. Baez hozdung neix youz Vwnzvabu, Swcigih Yinzminz Cwngfuj cawjbanh.

(Liuz Yi)

● 10 nyied 18 hauh, Liujcouh Sanggi Dunghyung Vujlingz Gunghswah daengz Sanhgyangh Duncuz Swciyen, soengq 4 fanh lai maenz ciengjyozginh hawj Sanhgyangh Cunghyoz aen ban Vujlingz lici(sawj vunz haenqrenz) 100 lai boux lauxsae nem hagseng, caemhcai soengq 31 aen dennauj nem buek doenghyienh hagsib yungh ndeu.

(Gungh Bujgangh)

● Seizcou, Sanhgyangh Duncuz Swciyen Liengzgouj Yangh Hozlij Cunh boux baenzfouq ak Yangz Veigvagh dajndaem 80 moux ngaeux ndaej fungsou, moix moux ndaej cehmbu 3000 daengz 5000 aen, dan cehmbu moix moux canjeiz ndaej 4000 maenz baedauq.

(Yangz Mingz Gungh Bujgangh)

● 10 nyied 18 hauh, Lingzyinz Cauzlij Yauzcuz Yangh gawjhengz daihhoih angqhoh laebbaenz 30 hopbi, daengx yangh gyawj fanh boux Bouxcuengh, Bouxgun, Yauzcuz daengj doxcomz giz ndeu, guh haujlai hozdung angqhoh aen yangh neix laebbaenz 30 hopbi.

(Vangz Yenzzyungz)

● Daj 1 nyied gvaqdaeuq, Bingzgoj Yen moix ndwen bingzyaenz bouj 230.8 maenz hawj moix boux ndaej cwngzciz dihbauj de, bouj 96.6 maenz hawj lajmbanj moix boux ndaej dihbauj de. 1 daengz 6 nyied, aen yienh neix gungh bued cienzngaenz bouj dihbauj 3158 fanh maenz, bauj gyoengq vunz ndaej dihbauj de gvaq ndaej ndei.

(Vuz Anhgingh)

Denzdungh: Cozdwngh Yauzcuz Yangh Angqhoh Laeb Yangh 30 Bi

田东: 作登瑶族乡喜庆 30 岁“生日”



Boq loxlez, ciengq fwen Yauzcuz, diuq fouxlazgim…… 10 nyied 17 hauh, Denzdungh Yen Cozdwngh Yauzcuz Yangh vunz lai angqvau, angqhoh laeb yangh 30 hopbi. Ngoenzde, aen yangh neix guh haujlai hozdung angqhoh, miz caij maxfaex, dwk lwggyangq, seiq vunz haizgieg beij vaiq, gaeqlix aenq naek daengj gij hozdung ndawbiengz doxbeij youh mizyinx de, neix hawj gak cuz ginzcung doengz-caez ndaej angqyangz gvaq ngoenzciet. Ndaw doz dwg vunz lai cingq yienj boq loxlezgim.

(Veiz Vwnzmung/韦文孟 Cuih Ginhbungz/周金鹏 Moz Haijyen/莫海燕 ingj)

Duh'anh: Doenghyienh Dajsan Minzcu Gai Ndae Lai

都安: 民族编织品受市场青睐

Gaenh bi daeuq, Duh'anh Yauzcuz Swciyen Disuh Cin vunzmbanj roengzrengz fazcanj canjyez doenghyienh dajsan miz minzcu daegsaek, guh doenghyienh gunghyi minzcu moq, gij

doenghyienh neix yiengh moq ndei yawj, bouxseng'eiq rog guek gyaezmaij. Daj bineix daeuq, gaenq san baenz 6000 fanh dauq doenghyienh faexcuk, gaeu, em gig gyaendei de, doengzbeij gyalai

1600 fanh dauq, gyalai 26.7%, cienzbouh gai bae Meijgoz, Yinggoz, Hozlanz daengj hawciengz rog guek, neix hawj moix boux laisou 110 maenz doxhwnj.

(Veiz Bingjvang/韦炳旺)